

佛說是經已尊者阿難及諸大衆聞佛所說
皆大歡喜信受奉行

佛說善樂長者經

第二

佛說聖多羅菩薩經

不三藏法師法賢奉 詔譯

如是我聞一時佛在香醉山五髻乾闥婆王
宮彼有種種鼓樂絃歌出微妙音爾時世尊
處大殿中與諸菩薩摩訶薩衆俱復有諸大

聖衆皆來集會所謂有學無學諸聲聞衆并
無量無邊天龍夜叉乾闥婆阿脩羅迦樓羅
緊那羅摩睺羅伽人非人等復有無量無邊
成就持明持金剛者金剛手及忿怒王持明
王百千等衆復有具種種持明寶髻佛頂輪
王等衆復有宿曜并母鬼母鬼王及諸釋梵
大自在天那羅延天慶自在天大黑天神童
子天夜摩天水天風天四天王天并五通仙
人等俱來在會作廣大供養圍遶承事合掌
恭敬爾時世尊處於衆會譬如須彌顯于大

海是時五髻乾闥婆王與七十二百千乾闥婆女作種種妓樂來詣佛所到已頭面禮足遶佛三匝却住一面合掌向佛而作是言世尊我今願聞利益之事唯願世尊為我宣說彼聖多羅菩薩即是諸佛如來之慈心是大

深二

五

明王降魔最勝是大持明是大輪王廣顯甚深具大勢力唯願世尊悲愍於我及天人阿脩羅等常得利益獲安樂故宣說聖多羅菩薩一百八名爾時世尊受五髻乾闥婆王請已讚言善哉善哉乾闥婆王汝能問於如來

如是之義令諸天人一切眾會得大利益獲安樂故汝當諦聽善思念之我今為汝次第宣說時彼乾闥婆王聞佛語已受教而聽爾時世尊為彼乾闥婆王及一切眾會先說聖多羅菩薩陀羅尼曰

那莫三滿多那哩始二合毗藥二合薩哩嚩二合但引他引誡帝引毗踰二合阿囉曷二合訥毗藥三合三藐三沒提引毗藥二合那謨引婆誡嚩帶曳二合阿哩也二合多囉曳六引噉引薩哩嚩二合但引他引誡多七引但引他多引部引多引酤引致

八波哩戍提沒提引薩哩縛合二怛他引誡多

九薩哩縛合二達哩摩合二多引誡誡那阿末囉

尾戍馱引達哩摩合二帝引一引摩賀引那野波

哩縛引哩莎賀二引十

爾時世尊說此陀羅尼已復為乾闥婆王及

一切衆會宣說多羅菩薩一百八名而頌曰

是多羅菩薩 本從阿字生 或生諸行相

不生亦不滅 是相如虛空 虛空性生故

隨應現本相 相一多無礙 色相現無邊

善寂體純一 常現幻化相 密語真實語

攝大真實理 真實行常行 施於無所畏

寂靜常除恚 離諸怖畏苦 善破煩惱籠

能解三有縛 苦海悉永離 成就法能為

自他俱成就 唯施最上法 總持自在王

亦從總持生 施總持大義 相應大自在

心意具相應深二不即相應相大相應相不離

定意常不動 有動皆寂然 常處蓮華座

亦從蓮華生 目淨如青蓮 常為衆生目

清淨最殊妙 慈眼視衆生 佛慧眼無漏

具純一大悲 常發大悲心 常行大悲行

亦從大悲生	常具大悲心	難伏垂悲愍
以悲普徧降	所有苦惱者	除苦令歡喜
法施甘露味	濟苦獲安樂	苦海意清涼
是明自在母	普世為照曜	妙容熾盛光
衆寶珠髻冠	清淨光圓滿	摩尼真珠飾
髮髻色紺青	螺文相右旋	莊嚴無為體
不善者令善	一切願皆圓	無喻莊嚴身
善意亦善逝	寂靜常安樂	大力如意通
六念具六通	得諸波羅蜜	善說四諦法
開迷大辯才	幻化苦海中	現行幻化相

持劍破煩惱	弓箭與三叉	鉢致仗及槍
都摩囉燦帝	沒誡羅金剛	種種諸器仗
觀視所持箭	悉施無所畏	手擲金剛杵
現作無礙通	能伏外敵軍	表刹現撞相
具大智慧力	善破勇猛軍	諸暗煩惱銷
魔冤賊悉破	如日銷昏冥	是為上最勝
善度輪迴海	最上大吉祥	實際住唯真
名聞稱普徧	常施愛敬願	自勝復勝他
歡喜施常行	微妙最善寂	是即如來智
普仰如意珍	戒相具足持	以戒行正道

梵音甚微妙	三世最上音	微妙一響聲
如虛空大藏	善生諸世間	無諍依怙者
三乘爲依怙	依行行三乘	解脫三乘教
諸佛依三乘	五面亦五眼	依五智性生
正覺成菩提	即是大正道	一切種種相
殊妙清淨身	皆隨應現生	照世如宿曜
目能達彼岸	亦善渡他人	隨意化百千
巧攝諸善義	百千福具足	純一化世間
善捨一切財	種種幻化相	世間大自在
吉祥諸天尊	持妙青色蓮	具戒施諸願

樂善常寂靜	大靜慧燄光	諸惡障永障
是一切魔王	度難與安樂	無等平等心
闕諍悉永除	善離怖畏死	部多至宰母
示作夜叉王	現身爲大龍	具百頭千日
百舌大惡相	真實無畏心	勝種具百千
地天善持世	常樂無畏語	疾疫毒永除
殊妙大光明	無垢常清淨	一切世間母
持法利世間	最勝灌頂王	所作皆已辦
具十波羅蜜	十地位常居	藏顯十法乘
十大真實理	住十金剛句	表刹十法成

十智除暗冥 觀世自在眼 具大妙色相
等虛空無邊 或現五通仙 具戒自在相
離欲身應供 寂靜道常安 正覺所讚揚
是多羅菩薩

爾時世尊說此頌已告乾闥婆王及一切衆

深二

會此是多羅菩薩一百八名我已為汝宣說
汝等應當至心受持此多羅菩薩一百八名
及陀羅尼過去未來諸佛已說當說為一切
衆生利益悲愍故若有善男子善女人發至
誠心於清旦時或為自他誦此多羅菩薩一

百八名并陀羅尼乃至默念或用疋帛為燈
或於淨壁依法以最上妙色畫菩薩像或用
檀香木作菩薩形以清淨心隨意成辦然後
於菩薩像前說種種供養一日三時合掌作
禮依法至心而作觀想誦此一百八名及陀
羅尼此多羅菩薩具大勢力最上吉祥永銷
諸罪善破魔軍於初中善而能施彼成就之
法若復有人發至誠心持念一徧七徧乃至
二十七徧當念誦時不闕文句是人一切富
貴吉祥之事及成就法隨願獲得永無障礙

得諸賢聖隱其本身常作擁護又復得天龍
夜叉釋梵護世那羅延天大自在天并母鬼
主大黑天神頻那夜迦慶自在天等乃至得
諸佛菩薩緣覺聲聞一切忿怒王大威德明
王等咸作是言善哉善哉善男子汝等具於
諸佛菩薩之行當生蘇珂嚕帝佛刹是時五
髻乾闥婆王歡喜踊躍心生信重即從座起
自解己身無價瓔珞金銀真珠摩尼珍寶種
種嚴身之具供養於佛合掌恭敬瞻仰世尊
而說讚曰

善哉世尊甚奇善逝常以悲心救護一切
而能爲我及於衆會說此最上真實之義
爾時世尊說是經已彼諸菩薩摩訶薩及諸
聲聞并持明者大忿怒主一切明王諸天人
衆及五髻乾闥婆等聞佛所說皆大歡喜信
受奉行

佛說聖多羅菩薩經